

14 أيار 2012

الجملة من الانجيل اليوم هي :

فقالته أمه: "مهمل قال لكم فافعلوه."

بوقت كانوا المعازيم مشغولين بالعرس، مشغولين بالرقص والموسيقى، كانت العذراء دائماً عينها على ابنها وعينها على الناس عم بتراقب وتحفظ كل شي بقلبيها، قريت لعند الخدم اللي طلب ممن يسوع إنو يعبوا الجرار وقالتهن عملوا مثل ما عم بيقلكن لأن العذراء مأمنة بقدرة الله وكانت عارفي إنو ابن الله قادر على كل شي وقادر يحلّ كلّ المشاكل وهي ما اهتمت بالأكل والموسيقى والفرح أد ما اهتمت انو ينجح العرس والعالم تكون مبسوطه لأنو كيف العذراء هي إمّ ليسوع، هي امّ لألنا كلنا بتبكي عيوننا مع عيوننا وبتضحك مع كلّ ضحكة منضحكا وهي الايد اللّي بتلمنا لّمّا نوقع كرمال هيكل منصرخلا "يا عذراء"، هي الأمّ اللّي بتجمعنا تحت جناح ابنا، جناح الأمان والسلام ومرسى الخلاص والحياة الأبدية وما في شي أحقّ من قلب الأم، ومن قلب العذراء اللّي بتعطف علينا.

وخبريتنا اليوم بتقول:

كان في صبي زغير أمّو مقلوعة عينها اليمين، وبيّو متوفى، كانت أمّو كل يوم الصبح تمسكو بإيدا وتاخو على المدرسة، وكانت تشتغل من الصبح لليل لتعلموا وكان كلّ ما كبر تشتغل زيادة لأن أسطو كان عم يغلى وكان كلّ ما كبر رفقاتو بالمدرسي يضحكوا عليه ويقولولوا إمّك بفرد عين. علّمت المرا ابنها تا وصل عالجامعة وضلّوا رفقاتو يضحكوا على أمّو. في يوم من الايام وبعد ما تخرج قرّر يترك الضيعة وينزل على المدينة يأسس حالو، نزل اشتغل وجمع مصاري تجوّز وصار عندو ولاد وهو عم يربين اكتشف انو تربية الولاد صعبو وبدّا تضحية فقرّر يزور أمه. طلع على الجبل عبيتن وكان بيت زغير وكوخ ودق ع الباب. شاف أبونا جايب من بعيد، قرب الأبونا وقلّو: "عمين عم بتبرم يا ابني؟"

قلّو: "عَ امِّي" قلّو: "امّك ماتت وتركتك هالرسالة". عطى الأبونا الرسالة للولد وتركو. فتح الولد الرسالة وقرأ شو كاتبتلو أمّو وكانت كاتبتلو : "انت وزغير عملنا حادث أنا وبيك وانت، توفى بيك وانت انقلعت عينك وأنا تبرعتك بعيني ولو شو ما عملت أنا بحبك."

من هون الام مستعدة تضحي بحالها كرمانا مثل ما هالام ضحت بعينا كرمال ابنا وتحملت لامبالاته، فالיום بهالشهر المريمي شهرك يا أمّ الكلّ منصليك على نية إماتن اللي بتتعب عيونن، ويتحمر لترتاح عيوننا اللي ببشيلوا اللقمة عن تمنّ ليطعمونا ياها، اللي بيرسموا اشارة الصليب على صدورنا قبل ما نروح ع مدارسنا وهني متأكدين إنك ماسكتينا بإيدك لتوصلينا بأمان فكوني دائماً ملجأهم، احمين وباركين واحميننا لنكون ولادك الصالحين. وأنا اليوم بحبّ صلي على نية رفقاتي بال terminales لتكوني دائماً معن الشمعة اللّي بتخلّين يشعّوا بعالم الظلمة، المعرفة بعالم الجهل، الايمان بعالم المبالاة، والرحمة بعالم الظلم، كوني معنا دائماً نحنا ولادك، وكيف جمعنا 15 سنة بهالمدرسة خلينا مجموعين مدى الحياة.

آمين

ستيفاني منصور

SG